

**UNIVERZITET U NOVOM PAZARU**

**Senat Univerziteta**

**Broj: 88/24/V-1**

**Novi Pazar, 18.01.2024.godine**

**PRAVILNIK O NAČINU ODIJEVANJA ZAPOSLENIH, STUDENATA I  
STRANAKA NA UNIVERZITETU U NOVOM PAZARU**

**I OPĆE ODREDBE**

**Član 1.**

Ovim pravilnikom uređuje se način odijevanja zaposlenih, studenata i stranaka na Univerzitetu u Novom Pazaru.

**Član 2.**

Dužnost i obaveza svakog zaposlenog i studenta je da ličnim izgledom aktivno učestvuje u stvaranju i održavanju ugleda Univerziteta u skladu sa zakonom i ovom pravilnikom.

**II OSNOVNA NAČELA**

**Član 3.**

Poslovni izgled nastavnika i drugih zaposlenih odrijeđen je profilom i strukturom posla, a na Univerzitetu predstavlja jedan od ključnih standarda za profesionalnost, a istovremeno govori o ustanovi u kojoj se radi i utiče na ugled ustanove.

**Član 4.**

Zaposleni na Univerzitetu obavezni su da vode računa o svom ličnom izgledu, imajući u vidu da uvek predstavljaju instituciju.

**Član 5.**

Elementi profesionalnog izgleda su sklad boja, jednostavnost, neupadljivost i odmjerенost.

**Član 6.**

Studenti načinom odijevanja doprinose ugledu Univerziteta i obavezni su da vode računa o svom odijevanju u toku boravka na njemu.

## Član 7.

Roditelji i stranke su obavezni da za vrijeme boravka u prostorijama Univerziteta poštuju pravila odijevanja odrijeđena ovim pravilnikom, odnosno odjevaju se na pristojan način, na koji se čuva njegov ugled i dostojanstvo.

### a) OBLAČENJE ZAPOSLENIH ŽENA

## Član 8.

Ženski poslovni izgled podrazumijeva garderobu i obuću prilagođenu dobu dana, dužina suknje umjerena, kosa i nokti uredni, šminka umjerena, a nakit treba nositi sa mjerom. U toku ljetnih mjeseci može se nositi odjeća kratkih rukava.

## Član 9.

Nije dozvoljeno nošenje:

- iscijepanih i preuskih pantalona,
- pantalona iznad koljena,
- helanki bilo koje dužine,
- trenerki (**osim nastavnicima fizičkog vaspitanja**),
- šorceva,
- majica bez rukava i haljina sa bretelama, dubokih dekoltea i šliceva,
- odjeće od providnih materijala,
- odjeće koja otkriva leđa i stomak,
- kratkih suknji iznad kolena,
- papuča, jadranci i slično.

### b) OBLAČENJE ZAPOSLENIH MUŠKARACA

## Član 10.

Muški poslovni izgled podrazumijeva odjeću mirnijih boja, kombinacija sako - pantalone, košulja uredno zakopčana i ispeglana, obuća mora uvijek biti uredna, kosa uredna. U toku ljetnih mjeseci može se nositi odjeća kratkih rukava.

## Član 11.

Nije dozvoljeno nošenje:

- izbljedelih farmerki,
- preuskih pantalona,
- šorceva,
- kratkih pantalona,
- trenerki (osim nastavnicima fizičkog vaspitanja),
- košulja i majica bez rukava,
- papuča, jadranci i slično.

## **v) RADNA UNIFORMA**

### **Član 12.**

Ukoliko postoji radna uniforma (higijeničarke, portiri), obavezno je nošenje istih.

## **g) OBLAČENJE STUDENTICA**

### **Član 13.**

Nije dozvoljeno nošenje:

- iscijepanih i preuskih pantalona,
- pantalona iznad koljena,
- helanki bilo koje dužine,
- šorceva,
- majica bez rukava i haljina sa bretelama,
- dubokih dekoltea i šliceva,
- odjeće od providnih materijala,
- odjeće koja otkriva leđa i stomak,
- kratkih suknji iznad kolena,
- papuča, jadranci i slično.

## **d) OBLAČENJE STUDENATA**

### **Član 14.**

Nije dozvoljeno nošenje:

- majica bez rukava,
- šorceva,
- kratkih pantalona (iznad koljena),
- papuča, jadranci i slično.

## **V POŠTOVANJE ODREDBI ODLUKE**

### **Član 15.**

Zaposleni i studenti će biti upoznati sa odredbama ovog Pravilnika putem oglasne table. Zaposleni treba da preduzme sve neophodne mjere kako bi ispunio zahtjeve i uslove utvrđene odredbama ovog Pravilnika. U slučaju sumnje u način postupanja, zaposleni treba da zatraži mišljenje neposredno pretpostavljenog lica.

## **VI NEPRIDRŽAVANJE ODREDBI ODLUKE**

### **Član 16.**

Ukoliko zaposleni ne poštuje odredbe ovog Pravilnika, pretpostavljeno lice ima ovlašćenje da tom zaposlenom ne dozvoli pristup radnom mjestu, odnosno, da ga vrati sa posla, a tog dana zaposlenom će se računati neopravdani izostanak.

### **Član 17.**

Ukoliko se studenti ne pridržavaju odredaba ovog Pravilnika, predmetni nastavnik može da ih udalji sa nastave.

### **Član 18.**

Dežurni portiri imaju ovlašćenje da strankama koji nisu odjeveni u skladu sa ovim Pravilnikom ne dozvole ulazak u zgradu.

## **VII PRELAZNE I ZAVRŠNE ODREDBE**

### **Član 19.**

Ova odluka stupa na snagu 8 dana od dana objavljivanja na sajtu Univerziteta.